



Kommunestyret

Vår sakshandsamar: Kari Marie Nygard

Dykkar ref.:
Vår ref: 2017/28
Vår dato: 22.05.2018

Partsbrev vedr. Årsrekneskap og årsmelding 2017 for Vaksdal kommunale Arbeids- og Opplæringssenter KF - Uttale frå kontrollutvalet

Vedlagt følger partsbrev som viser kontrollutvalet si handsaming av sak om årsrekneskap og årsmelding 2017 for Vaksdal kommunale Arbeids- og Opplæringssenter KF.

Ber om at partsbrevet med kontrollutvalet sin uttale følgjer saka via formannskapet til handsaming i kommunestyret.

Med helsing

Hogne Haktorson
kontrollsjef

Kari Marie Nygard
seniorrådgjevar

Dokumentet er elektronisk godkjent og har derfor ikkje underskrift.

Kopi til:
Ordførar
Rådmann
Deloitte
Utvaleiar

Arkivsak: 216
 Arkivnr: 2017/28-41
 Sakshandsamar: Roald Breistein

Saksframlegg

Saksgang

Utval	Saknr.	Møtedato
Kontrollutvalet i Vaksdal kommune	25/18	15.05.2018

Årsrekneskap og årsmelding 2017 for Vaksdal kommunale Arbeids- og Opplæringssenter KF - Uttale frå kontrollutvalet

Bakgrunn for saka:

Kontrollutvalet er etter "Forskrift om årsbudsjett, årsregnskap og årsberetning for kommunale og fylkeskommunale føretak" ikkje pliktig til å gje uttale til denne rekneskapen slik som for kommunerekneskapen, jf. "Forskrift om årsregnskap og årsberetning". I kommunane som sekretariatet dekkar, er det likevel lagt opp til at desse rekneskapa også vert handsama i kontrollutvalet, på lik linje med kommunerekneskapen. Det er heller ikkje krav om at kontrollutvalet handsamar årsmeldinga, men denne skal følgja som saksopplysning til saka. Det skal merkast om det er vesentlege avvik mellom årsmeldinga og rekneskapen.

Det er så formannskapet som innstiller overfor kommunestyret, i saka om rekneskapen. Kommunestyret skal handsama både årsrekneskap og årsmelding i same møte. Dette følgjer av kommunelova §48, jf. "Forskrift om årsregnskap og årsberetning" §10.

Årsrekneskapen for Vaksdal kommunale arbeids- og opplæringssenter KF er å betrakte som ein del av årsrekneskapen for Vaksdal kommune. Rekneskapen bør difor handsamast før kommunerekneskapen vert handsama, men gjerne i same møte.

Drøfting:

Årsrekneskapen er lagt fram av styret i Vaksdal kommunale arbeids- og opplæringssenter KF, og inneheld driftsrekneskap, investeringsrekneskap, balanserekneskap, og noteopplysningar. I tillegg har styret levert årsmelding.

Deloitte har gjennom revisjonsmeldinga dagsett 13.04.2018 gjeve sin uttale om den økonomiske situasjonen for Vaksdal kommunale arbeids- og opplæringssenter KF. Sekretariatet har merka seg at det i revisjonsmeldinga er medteke at det for rekneskapsåret syner eit netto driftsresultat på kr. 447 441 og eit rekneskapsmessig mindreforbruk på kr. 183 826. Det kjem ikkje fram spesielle forhold som blir omtala i revisjonsmeldinga, og den vert å sjå på som "ei rein" revisjonsmelding. Vi har forøvrig merka oss at revisjonsmeldinga ikkje er skrive på nynorsk. Det same var også tilfelle i 2017.

Av rekneskapen for 2017 har sekretariatet merka seg sum driftsinntekter på kr. 4 361 756 og positivt netto driftsresultat på kr. 447 441. Det gjev eit driftsresultat på 10,26 % (Sett opp mot sum driftsinntekter). Heile kommunesektoren hadde i følgje opplysningar frå SSB til samanlikning netto resultatgrad på 3,8 prosent i 2017. Teknisk beregningsutvalg for kommunal og fylkeskommunal økonomi (TBU) tilrår at ein over tid bør ha netto resultatgrad på 3 prosent fram til 2014 for å ha ei forsvarleg økonomisk drift. Frå 2014 er dette talet nedjustert til 1,75%. For Vaksdal kommunale arbeids- og opplæringssenter KF var netto resultatgrad i 2014 (+ 1,29 %), 2015 (+ 1,65 %), 2016 (+ 4,53 %) og 2017 (+ 10,26 %) . Vi ser av

dette at Vaksdal kommunale arbeids- og opplæringscenter KF i 2017 ligg monaleg over både resultatet i heile kommunesektoren og tilrådinga til TBU.

Netto driftsresultat viser kva ein har att etter at alle driftsutgifter, inklusive renter og avdrag er dekkja. Driftsresultatet påverkar i stor grad kommune sin handlefridom og evne til å tåle svingingar i økonomien.

Sekretariatet merkar seg m.a. følgjande frå styret si årsmelding når det gjeld satsingar framover:

«Dagsenter for utviklingshemma i Vaksdal kommune er lokalisert saman med AO senteret KF. Framover ser det ut som at ein har behov for fleire dagsenterplassar fordi fleire av dei tilsette har høg alder og får eit større hjelpebehov, nokon nærmar seg pensjonsalder, som gjer at dei misser retten til VTA plass. Det er og fleire unge som snart er ferdig med skule og har behov for eit tilbod, enten VTA eller dagsenter. Det er visse utfordringar med samdrift mellom dagsenter og arbeidsdrift VTA . Brukarar på dagsenter har større behov for skjerming og rolegare lokale enn det ein får på ein arbeidsplass. Saka vart oversendt til rådmann og kommunalsjef i 2014.

I 2017 låg det inne som mål for Heimetenesta i budsjettokumentet til Vaksdal kommune, at dagsenter for psykisk utviklingshemma skal flyttast til andre lokale i samarbeid med AO senteret KF. Dette målet vart ikkje nådd. AO senteret KF vil i 2018 jobba vidare med saka i samarbeid med Vaksdal kommune.»

«Vaksdal kommune er kome til at det pr 31.12.2017 ikkje vert etablert noko nytt vaskeri i Vaksdal kommune. Men AO senteret KF er framleis i dialog med Vaksdal Kommune ang eventuelt framtidig vaskeriteneste.»

«Starta i 2017 opp med bilpleie av nokre kommunale bilar, dvs vask, dekkskifte, dekkhotell, levering/henting til service.»

Kontrollutvalet har som oppgåve å gje uttale til Vaksdal kommunale arbeids- og opplæringscenter sin årsrekneskap. Uttalen vert gjeve med bakgrunn i framlagd årsrekneskap og årsmelding frå styret og revisjonsmelding frå Deloitte. Kontrollutvalet tek sjølv stilling til kva forhold som skal omtalast i uttalen. Det vil vera naturleg å ta med spesielle forhold som blir omtala i revisjonsmeldinga og eventuelle revisjonsrapportar og nummererte brev. Uttalen skal sendast til kommunestyret, med kopi til formannskapet.

Konklusjon:

Det vert tilrådd at kontrollutvalet denne gongen omtaler følgjande i uttalen om Vaksdal kommunale arbeids- og opplæringscenter KF sin årsrekneskap for 2017:

- Rekneskapsmessig mindreforbruk på kr. 183 826
- Netto driftsresultat på + 10,26 %

Kontrollutvalet sin uttale og revisjonsmeldinga er to sjølvstendige dokument, som følgjer saka vidare via formannskapet til kommunestyret.

Forslag til uttale

1. Kontrollutvalet registrerer at Vaksdal kommunale arbeids- og opplæringscenter KF i 2017 hadde eit rekneskapsmessig mindreforbruk på kr. 183 826 og eit netto driftsresultat på + 10,26 %, noko som er monaleg over både resultatet i heile kommunesektoren og tilrådinga til TBU..
2. Kontrollutvalet støttar seg elles til Deloitte sin uttale om den økonomiske situasjonen for Vaksdal kommunale arbeids- og opplæringscenter KF for året 2017, og har ikkje øvrige merknader til denne.
3. Uttalen vert send kommunestyret via formannskapet.

Saksprotokoll i kontrollutvalet - 15.05.2018**Handsaming i møtet:**

Styreleiar Anita Sævild presenterte årsmelding og årsrekneskap for Vaksdal Arbeids- og Opplærings-senter KF, Ho orienterte om drfta i selskapet og planar framover. Kontrollutvalt gav tilbakemelding om at verksemda gjev eit godt tilbud til brukarane og verdien dette gjev. Revisjonen ved rekneskapsrevisor Anne-Tine Berge presenterte kort revisjonsmeldinga. Det kom ingen merknader til forslag til uttale. Forslag til uttale vart samrøystes vedteke

Uttale:

1. Kontrollutvalet registrerer at Vaksdal kommunale arbeids- og opplærings-senter KF i 2017 hadde eit rekneskapsmessig mindreforbruk på kr. 183 826 og eit netto driftsresultat på + 10,26 %, noko som er monaleg over både resultatet i heile kommunesektoren og tilrådinga til TBU..
2. Kontrollutvalet støttar seg elles til Deloitte sin uttale om den økonomiske situasjonen for Vaksdal kommunale arbeids- og opplærings-senter KF for året 2017, og har ikkje øvrige merknader til denne.
3. Uttalen vert send kommunestyret via formannskapet.

Hogne Haktorson
kontrollsjef

Roald Breistein
seniorrådgjevar

Dokumentet er elektronisk godkjent og har derfor ikkje underskrift.

Vedlegg

- 1 Årsrekneskap Vaksdal kommunale arbeids- og opplærings-senter 2017
- 2 Årsmelding Vaksdal AO-senter
- 3 Beretning AO-senteret